

## **Obavijest u vezi sa kompenzacijom PDV-a plaćenog na isporuke izvršene za potrebe EUFOR-a i Štaba NATO-a**

EUFOR i Štab NATO-a imaju posebnu poziciju u Bosni i Hercegovini i imaju pravo na isporuke dobara i usluga od svojih dobavljača bez plaćanja PDV shodno Sporazumu o primjeni Apendiksa B Aneksa 1A Općeg okvirnog mirovnog sporazuma za Bosnu i Hercegovinu i Aneksa o nabavkama i ugovorima Tehničkog sporazuma između Vlade Bosne i Hercegovine i Snaga za implementaciju mira (IFOR) potpisanog između Uprave za indirektno oporezivanje i Glavne komande EUFOR-a i Štaba NATO-a dana 18.01.2006. godine.

Ako ste dobavljač EUFOR-a ili NATO-a i ako ste na svojim fakturama izdatim poslije 18.01.2006.godine obračunali PDV, unijeli ga u prijavu kao izlazni PDV i isti platili, imate pravo na kompenzaciju.

Pravo na kompenzaciju može biti ostvareno na način da vi za iznos PDV-a obračunatog i plaćenog po fakturama izdatim EUFOR-u i Štabu NATO-a uvećate iznos ulaznog PDV-a u polju 61 vaše PDV prijave za mjesec u kojem ste izvršili ispravku greške.

Kao osnovu za uvećanje ulaznog PDV-a (ispravku) trebate izdati dokument koji treba da sadrži sljedeće elemente:

- Broj fakture sa PDV-om koju ste izdali EUFOR-u ili NATO, te broj TEF obrasca koji se odnosi na svaku od faktura
- Obračun ukupnog iznosa PDV-a koji ste na ovaj način obračunali na fakturama za EUFOR ili NATO
- Vaš PDV broj

Navedeni dokument sačinjavate u dva primjerka od kojih jedan dostavljate UIO-šefu Grupe za kontrolu i reviziju u Regionalnom centru gdje se nalazi vaše sjedište, a drugi zadržavate za svoje knjigovodstvene potrebe.

Ukoliko vam je Glavno sjedište EUFOR-a i NATO-a u Sarajevu platilo ukupni iznos fakture, uključujući i PDV oni će podnijeti zahtjev za povrat plaćenog iznosa PDV-a prema šemi i postupku utvrđenom u članu 29. Zakona o PDV-u.

Za plaćene iznose PDV-a od strane EUFOR-a i NATO-a vi ne možete vršiti kompenzaciju.

Sva pitanja u vezi sa navedenim možete proslijediti Regionalnom centru - Grupa za kontrolu i reviziju preme vašem sjedištu.

Ubuduće, pravo EUFOR-a i NATO-a na porezno oslobađanje će biti ostvareno na način da će dobavljač dobara i usluga (tj. vi) dobiti popunjen Obrazac za oslobađanje od poreza (TEF obrazac), na osnovu kojeg ćete u fakturi naznačiti da PDV nije obračunat sa pozivom na pomenuti sporazum i serijski broj TEF obrasca.

EUFOR-u i Štab NATO-a od 01.05.2006. godine neće prihvatiti fakture u kojima je obračunat iznos PDV-a, te će uputiti dobavljača da u fakturi naznači da PDV nije obračunat sa pozivom na sporazum od 18.01.2006. godine i serijski broj TEF obrasca.

Isporuke prema EUFOR-u i NATO-u trebaju biti uključene u iznos prometa naveden u polju 11 PDV prijave. Oslobađanje od PDV-a kod EUFOR-a i NATO-a se smatra oslobađanjem sa pravom odbitka ulaznog poreza.